

3. Auk þeirra nemendastunda, sem stundaskrárramminn tilgreinir, fær skóli **kennarastundir til ráðstöfunar**, sem svarar einni vikustund á hverja „hliðstæðu“ **fullskipaðra bekkjardeilda** (þ. e. miðað við a. m. k. 25 nemendur að meðaltali í deild) í hverjum árgangi.

Þessar stundir má skóli nota m. a. til þess að skipta bekkjardeild í kennslu eða til viðbótarnáms, án þess að föst stundaskrá nemenda lengist fyrir vikið.

Heimilt er skóla að flytja umræddar kennarastundir milli bekkja, ef ástæða er talin til.

4. Um frávik frá því, sem tilgreint er í stundaskrárrammanum, gilda ákvæði Námskrár fyrir nemendur á fræðsluskyldualdri, útg. af menntamálaráðuneytinu 1960. Auk þess getur menntamálaráðuneytið veitt sérstakar undanþágur eða fráviksheimildir, ef rökstuddar óskir berast um slíkt.

#### Skipting stundaskrár.

	Bekkur							
	1.	2.	3.	4.	5.	6.	7.	8.
Móðurmál (þ. á m. lestur og skrift) . .	10	10	10	9	9	8	6	5
Reikningur/stærðfræði . . . . .	4	4	4	4	5	5	5	5
Áttahagafræði . . . . .	3	4	4					
Kristin fræði . . . . .				2	2	} 7	2	
Saga, félagsfræði og landafræði . . . .				4	3		4	4
Líffræði, eðlis- og efnafræði . . . . .				2	3		4	4
Danska . . . . .				3	2	3	3	4
Enska <sup>1)</sup> . . . . .						3	4	5
Tónmennt . . . . .	1	1	1	1	1	1	1	1
Handavinna . . . . .			2	2	2	3	2—4	2—4
Teiknun . . . . .				2	2	2	2	2
Heimilisfræði . . . . .							0—4	0—4
Íþróttir <sup>2)</sup> . . . . .	2	2	2	2	3	3	3	3
Til ráðstöfunar . . . . .		1	1				1	2
Vikulegar kennslust./nem. alls 3) . . .	20	22	24	31	32	35	37	37
Vikulegar kennslust. í mínútum 3) . .	800	880	960	1240	1280	1400	1480	1480
Kennarastundir til ráðstöfundar . . . .	1	1	1	1	1	1	1	1

Skýringar: 1) Skólum er ekki skylt að kenna ensku í 6. bekk, enda þótt slík kennsla sé talin æskileg, m. a. vegna framhaldsnáms í greininni í 7.—9. bekk. Kenni skóli ekki ensku í 6. bekk, er heimilt að leggja þær kennslustundir, sem um ræðir, 3 stundir á viku, til annarra námsgreina.

2) Við tilgreinda íþróttatíma bætist sund.

3) Heimilisfræði og sund eru ekki meðtalin í summuni.

*Menntamálaráðuneytið, 5. apríl 1974.*

**Magnús T. Ólafsson.**

**Birgir Thorlacius.**

## AUGLÝSING

um staðfestingu sjávarútvegsráðuneytisins á verðgrundvelli á freðufsaframleiðslu fyrir framleiðslutímabilið 1. janúar til 31. maí 1974.

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs fiskiðnaðarins, vill ráðu-

neytið hér með staðfesta eftirfarandi verðgrundvöll á freðufsaframleiðslu fyrir framleiðslutímabilið 1. janúar til 31. maí 1974:

<b>Ufsi</b>	US cent á lb. Cif.
4×6 kg .....	49.00

Verðbil verður 3% er miðast við verðhækkun eingöngu. Greiðslur í sjóðinn miðast við 50% af verðbreytingu frá grundvallarverði að viðbættu verðbili, en greiðslur úr sjóðnum miðast við 50% af verðbreytingu frá grundvallarverði án verðbils.

*Sjávarútvegsráðuneytið, 9. apríl 1974.*

F. h. r.

**Jón L. Arnalds.**

*Gylfi Þórðarson.*

## AUGLÝSING

um staðfestingu á skipulagsuppdrætti af hafnarsvæðinu  
í Njarðvík, Njarðvíkurhreppi.

Samkvæmt skipulagslögum nr. 19 21. maí 1964 hefur ráðuneytið hinn 8. apríl 1974 staðfest skipulagsuppdrátt af hafnarsvæðinu í Njarðvík, Njarðvíkurhreppi, Gullbringusýslu.

Uppdráttur þessi hefur hlotið þá meðferð, sem lög nr. 19/1964 gera ráð fyrir og hefur verið samþykktur af hreppsnefnd Njarðvíkurhrepps og skipulagsstjórn ríkisins.

*Félagsmálaráðuneytið, 9. apríl 1974.*

F. h. r.

**Hallgrímur Dalberg.**

*Jón Sigurpálsson.*

## AUGLÝSING

um skráningu eiturefna og hættulegra efna til nota í landbúnaði  
og garðyrkju og til útrýmingar meindýra.

Eftirtalin efni hafa verið viðurkennd, sbr. reglugerð um notkun eiturefna og hættulegra efna í landbúnaði og garðyrkju og til útrýmingar meindýra nr. 132, 13. júlí 1971:

Hættuflokkur X: Egodan Parathion 35 EC., plöntulyf. Nicotine Smokean. A., plöntulyf. T-61 ad us vet., aflifunarefni: (aðeins ætlað dýralæknum til aflifunar dýra).

Hættuflokkur A: Lindasect 20, plöntulyf. Tresex Gamma 80, plöntulyf. Matation Na 50 (200 ml), plöntulyf.

Hættuflokkur B: Lindasect Special Ny, plöntulyf. Matation Na 50 (50 ml), plöntulyf.